

Powšitkowne WOZJEWJENJA

njedźelu, 19. julija 2015

Swjata spowědź w Róžeńće

Wšitcy, kotřiž chcyli porciunkulski wotpusk zdobyć, maja mjez druhim w Róžeńće składnosć, sobotu, 1. awgusta, wot 17 do 18 hodź. sakrament swjateje spowědže přijec. Spowědnicy budu fararjo Michał Anders, Beno Jakubaš, Tomaš Dawidowski a Johannes Magjera.

Kemše w Krupce

Na putniku Božu mšu srjedu, 29. julija, w 10 hodź. w Krupce pojedže zaso bus. Štóž chce sobu jěć, njech so hač do pjatka, 24. julija, w Šmitec wozydłownistwje w Radworju přijewi, telefonowe čisło (03 59 35) 28 60.

Wulět młodžiny budže pozdžišo

Předstajenja pasiona dla njebudže wulět serbskeje dekanatneje młodžiny kaž připowědžene njedźelu, 13. septembra. Nowy termin so sčasom wozjewi.

Pytaja młodžinskeho referenta

Za dekanatne dušepastyrstwo młodžiny we Worklecach ma so 1. oktobra referent respektiwne referentka ze socialnopedagogiskej abo teologiskej kwalifikaciju přistajić. Wuměnenja su dobre znajomosće w młodžinskim abo kubłanskim dźěle, wobknježenje serbskeje řeče, zwólniwosć, tež wječor abo kónc tydženja dźělać a přezjednosć z nadawkom, službu a žiwjenjom katolskeje cyrkwyje. Džělowe městno je w Don Boskowym domje we Worklecach. Zrěčenje je na dvě lěće wobmjezowane. Pisomne požadanja přijimuje hač do pjatka, 24. julija, biskopski ordinariat, personalny wotrjad, Käthe-Kollwitz-Ufer 84, 01309 Drježdžany abo z mailku na bewerbung@ordinariat-dresden.de. Štóž ma prašenja, njech zazwoni na młodžinskeho dušepastyrja biskopstwa, fararja Ralpa Kochinku, telefonowe čisło (03 51) 3 36 47 16.

